

14 FEB 2003

PERDANA MENTERI TIBA UNTUK LAWATAN SEHARI KE JOHOR

JOHOR BAHRU, 14 Feb (Bernama) -- Perdana Menteri Datuk Seri Dr Mahathir Mohamad tiba di Lapangan Terbang Sultan Ismail di Senai dekat sini untuk lawatan kerja sehari ke Johor hari ini.

Ketibaan Dr Mahathir yang diiringi isteri Datin Seri Dr Siti Hasmah Mohd Ali pada pukul 8.50 pagi disambut oleh Menteri Besar Datuk Abdul Ghani Othman, Exco-exco kerajaan negeri dan Setiausaha Kerajaan Negeri Datuk Ayob Mion.

Pada pukul 9.30 pagi, Dr Mahathir akan menghadiri majlis muhibah bersama rakyat sempena upacara pecah tanah Projek Gerbang Selatan Bersepadu dan projek perumahan rakyat di Bukit Cagar dekat sini.

Pada tengah hari pula, Dr Mahathir akan bersama umat Islam menunaikan solat Jumaat di Masjid Sultan Abu Bakar.

Beliau kemudiannya akan menghadiri majlis taklimat Projek Pembangunan Campuran Danga Bay di Tapak Projek Danga Bay pada pukul 3 petang.

Beliau dijadualkan berlepas pulang ke Kuala Lumpur pada pukul 6 petang ini.

-- BERNAMA

MNY HM